

JINOIN JETÖB RO

Köttöpar ko an katak in:

- Kwaļok bwe aolep jetōb ro rej men in kōmanman an Anij.
- Kwaļok bwe Anij ej irooj ioon aolep jetōb ro im e kajoor jān aolep jetōb ro.
- Kwaļok kōn wāween an Anij jermal ippān jetōb ro me raar juṃaeik E.

Meļeļe ko reļap ilo katak in:

- Anij ej irooj ioon aolep men im e kajoor jān aolep jetōb ro im kajoor ko.
- Eļap an kauwōtata ņe juon ej juṃaeik Anij.

Ilo ad katak kōn plan eo an Anij ņan lōmooren armej jej lo bwe Baibōl ej Naan in Anij im bwe Anij ej jān indeeo ņan indeeo. Anij e wānōk. Ejjeļok jinoim im naaj ejjeļok jemļoken. E aorōk bwe jen katak kōn men kein mokta jān ad itok ņan katak eo kōn wāween bōk lōmoor, kōnke plan in lōmoor ear waļok jān Anij, im je jeļā kōn plan in kōn wōt ad read Baibōl.

Eļāñne Anij e jab jān indeeo im e jab wānōk, innām je jab maroñ lōke E ņan lōmooren kōj. Eļāñne Anij e jab utiej im kajoor jān aolep men, innām je jab maroñ tōmak E ņan lōmooren kōj jān aolep men, eļap tata jān jerowiwī. Eļāñne ewor bōd ilo Baibōl, naaj elmān ad lōke e ņan kameleleik kōj kōn iaļ eo e jimwe ņan mour indeeo? Plan in lōmoor ej jutak ioon juon foundesōn e pen. Ej jutak ioon mwilin kwōjarjar an Anij im jimwe eo an Baibōl.

1. Anij ear kōmanman aolep jetōb ro.

Baibōl ej kwaļok ņan kōj bwe ewor men in kōmanman ko ilo laļ in re kajoor. Men kein re jab kidu im re jab armej. Re jab bajjek kajoor āinwōt jaram ak kōto. Men kein re kajoor re jeļā lōmṃak im re jeļā kōnnaan. Jet iaan men in kōmanman kein reṃman im jet re nana. Men in kōmanman kein kōnono kaki rej jetōb ro. Rej enjeļ ro im timoṃ ro. Ilo an Baibōl kōnono kōn jetōb rein ej kajermal elōñ kain āt. Jen lōmṃak kōn jet iaan āt kein.

Eļōñ:

- jetōb
- enjeļ
- cherabim
- serafim
- kajoor
- iju ak iju raan, jiōb
- irooj ro in marok
- jar in lañ ko, im aer ļok wōt.

Enjeļ rein im timoṃ rein raar waļok jān ia? Raar ke pād jān indeeo ke ta?

Baibōl ej jiroñ kōj bwe Anij wōt ear pād jān indeeo.

- Aolep men ko jet rej men in kōmanman ko an Peen.

- Anij ear leḷok mour ñan aolepen jetōb rein.
- Eḷaññe Ear jab kemour er, innām re ban kar mour.



Jon 1:3 Ear kōmman men otemjej, im ejjeḷok men eo Ear jab kōmmane, men eo eḷōj kōmmane.



Nehemaia 9:6 Kwe Jeova, aaet, Kwe wōt; Kwaar kōmman lañ, lañ in lañ ko, im aolepen jar eo an.”



Kolosse 1:16 Bwe kōn E eḷōj kōmman men ko otemjej, men ko ilañ kab men ko ioon laḷ, ko jej loi im ko je jab loi, eḷaññe tūroon ko a ri utiej ro ak irooj ro ak kajoor ko; eḷōj kōmman men otemjej kōn E im ñan E.

Eḷap Anij jān aolep jetōb.

- Ear pād mokta jān er, bwe Ear pād jān indeeo.
- E eo ear kōmman er.
- Ear leḷok mour ñan er.

Anij ear jab leḷok ānbwinnier ke Ear kōmman er.

- Kōn an ejjeḷok aer kanniōk im bōtōktōk, re maroñ ito-itak jabdewōt jikin.
- Jetōb ro re jab maroñ pād ijoko otemjej ilo juon wōt iien. Re maroñ pād ilo juon wōt jikin ilo juon iien.
- Meñe ejjeḷok ānbwinnier, jet iien rej waḷok ñan armej ilo laḷ in ilo ānbwinnen armej.

2. Anij ear kōmman jetōb ro bwe ren karijer ñan E.

* *Anij e utiej jān aolep im Ej irooj ioon aolep men.*

Ilo jinoin, aolep jetōb ro raar enjeḷ. Naan in “enjeḷ” meḷeḷein juon rū jelōk ak juon ri kajijer. Kōn an Anij kōmman er, ekkar bwe ren pokake E.

Eḷaññe kwōj kōmman juon mōn jokwe ñan baamle eo aḷ, mōn wōn mweo? Mōm! Im kōn men in, aḷ wōt pepe kōn mweo. Aolep men rej an Anij, kōnke Ear kōmman aolep men. Aolep jetōb ro rej an Anij.



3. Eḷap an kajoor jetōb ro, im ilo jinoin raar aolep im weeppan.

Ejjeḷok juon iaan jetōb ro ear nana ilo jinoin. Anij e kwōjarjar, im E jab maroñ kōmman juon men nana.

Ilo iien an Anij kōmman jetōb ro - ak je maroñ ba enjeḷ ro - aolep im weeppan. Jetōb rein raar kajoor im mālōtlōt jān armej. Elōñ bwebwenato ko ilo Baibōl rej kwaḷok kōn kajoor an enjeḷ ro. Ilo book in Exodus juon enjeḷ ear ḷan aolepen maanje ro nejin ro ri Ijijt. Ilo book an 2 Kiiñ juon enjeḷ ear ḷan 185,000 ri tariḷae an Sennakerib (2 Kiiñ 9:35).



Sam 103:20 Kōmwin nōbar Jeova, koḷ eo enjeḷ ro An; ro remman ilo kajoor, rej kaḷool An in Naan, rej roñjake ainikien Naan ko An.

Ejjeļok kajjītōk bwe enjeļ ro re kajoor. Bōtab re jab kajoor joñan wōt Anij. Bwe? Kōnke Anij ear kōmanman er. Rej bōk aer kajoor jān E. Jej lo bar juon kain jetōb ilo Baibōl ijellokun enjeļ ro. Baibōl ej kōnono kōn jetōb ko rettoon, ak timoņ ro. Timoņ ro re kajoor barāinwōt.



Mark 5:2 Im ke Ej to jān wa eo, e mōkaj an juon armej iioon E jān wuliej ko, im jetōb ettoon miok na ānbwinnen...

Kiiō, lale 4 eoon.

Bwe elōñ alen aer liāp e... im shackle ko ear rupi.

Shackle in kōnono kake ej juon chain kōmman kōn māāl. Joñan an kajoor timoņ ro me raar pād ilowaan armej in raar maroñ in kakajoor e bwe en rupi chain ko im manman bwijin armej. Book an Revelesōn ej kōnono kōn kajoor an timoņ ro ilo raan ko ālik tata.



Revelesōn 9:18 Kōn men in kaeñtaan kein jilu ar man juon mōttan jilu armej ran, kōn kijek im baat im brimston, rej ilok jān loñeir.

Aolep timoņ rein re kajoor, ak Anij e kajoor jān er kōnke ear kōmanman er. Ewor juon timoņ me e kajoor jān aolep timoņ ro jet. Bōtab je jab aikuj mijak e. Bwe? Kōnke Anij ear kōmanman e.

4. Anij ear kōmanman tepil eo.

Tepil, ak Lucifer, ear kajoor im utiej jān aolep jetōb ro jet. Melele in āt in Lucifer ej iju raan. Anij ear kōmman e bwe en juon enjeļ eļap im aiboojoj.



Ezekiel 28:14 Kwaar juon enjeļ emōj kapit e im kwaar ri lale eo. Ña eo iar kapeke yuk. Kwaar pād ioon toļ eo e kwōjarjar an Anij.

Āinwōt aolep men ko jet im Anij ear kōmanmani, Jetan ear weepñan im ejjeļok ñotaan.



Ezekial 28:15 Iaļ ko aņ raar weepñan ilo raan eo Iar koņmane eok...

Men in ej melele in bwe timoņ ro jet raar weepñan im emman ilo raan in an Anij kōmanman er. Ilo mool, raar jab timoņ. Raar enjeļ ro. Jetan ear juon enjeļ eļap im emman. Innām etke Anij ear jolalļok Jetan im timoņ jān lañ? Ear utiej būruon Jetan. Ear jab mōñōñō in kabuñ ñan Anij. Ear kōnaan bwe aolep ren kabuñ ñan e. Ear kōnaan bōk jikin Anij!



Aiseia 14:13,14 Im kwaar ba ilo būruōm, Inaaj wōnlōñļok ñan lañ, Inaaj lelōñļok aō tūroon ilōñin iju ko an Anij; im Inaaj jijet ioon toļ in kwelok ko...Inaaj wōnlōñļok ilōñin kōdo ko; Inaaj make kōmman eō āinwōt Eo e Utiej tata.

5. Anij ear ekajet Jetan im timoņ ro kōn aer jerōwiwi ñae E.

Kōn an Jetan jerōwiwi ñae Anij, Anij ear jolalļok e jān lañ im liaakļok e ñan mej indeeo. Elōñ enjeļ ro raar jep ippān Jetan im Anij ear jujen juļok er ippān ļok.



2 Piter 2:4 Bwe eļāñņe Anij ear jab tūriamo kaki enjeļ ro raar jerowiwī.



Jud 6 Im enjeļ ro, raar jab kōjparok aer utiej, a raar iļok jān jikeir...



Revelesōn 20:10 Im tepil eo, me ear moņi er, raar joļok e ņa ilo lomaļo in kijeek im brimston, ijo barāinwōt kidu eo im ri kanaan riab rej pād ie, im renaaj eņtaan raan im boņ indeeo im indeeo.

Enjeļ rein raar erom timoņ kōn aer iļok jān Anij. Naan in, timoņ, ej waļok jān juon naan ilo kajin Greek im ej meļeļe in juon jetōb ettoon. Ri Greek raar kajerbal naan in ilo aer kōnono kōn jabdewōt anij ettā. Kōn an Baibōļ kwaļok bwe ewor juon wōt Anij, jabdewōt me ej bōk āt in anij, e juṁaeik E. Baibōļ ej ba bwe eļāñņe juon armej ej kabuņ ñan ekjab, ak anij ko jet, ilo mool ej kabuņ ñan timoņ ro.



1 Korint 10:19,20 Innām ta eo ij ba? Bwe men in joortak ñan ekjab e jab jekdoņ ke? Ak bwe ekjab e jab jekdoņ ke? A ij ba, bwe men ko ri pegan rej katok kaki rej katok ñan timoņ raņ, im jab ñan Anij...

Elōñ rej ļomņak bwe Anij ear kōmanman hell ñan ro ri jerowiwī wōt. Rej tōmak bwe hell ej jikin jokwe an Jetan im bwe e im timoņ ro an rej kaeņtaan armej ie. Ilo mool, Anij ear kōmanman hell ñan Jetan im enjeļ ro an moкта. Unin an juon armej etal ñan hell ej kōnke ej ļoore Jetan.



Matu 25:41 Koņwin iļok jān Eō, koņ ri nana, ñan ilowaan kijeek e jāmin kuun indeeo, eo ear pojak ñan tepil eo im enjeļ ro an.

6. Anij enaaj ekajet ro im rej jep ippān Jetan im timoņ ro an.

Bōlen kwōnaaj ba, “Ña ij jab jep ippān Jetan.” Kwōn kile bwe jabdewōt eo ej jerowiwī ej jep ippān Jetan. Adam im Ib raar jep ippān ke raar jerowiwī ņae Anij. E jīmwe, raar jep ippān Jetan, im raar mej kōn aer jep ippān.



Rom 3:23 ej ba Bwe oņean jerowiwī mej...

Anij ear joļok Jetan jān lañ. Meņe timoņ ro rej anemkwōj kiiō, re jeļā ta jemļokaer. Re jeļā bwe renaaj eņtaan ñan indeeo kōn aer juṁaeik Anij. Kiiō Jetan im timoņ ro an rej kate er bwe aolep armej ro ioon laļ in ren bar jorrāān ippāer ilo Gena. Eļāñņe jetōb rein re kajoor re jab maroņ in ko jān ekajet eo an Anij, naaj ewi wāween aņ maroņ in ko jān ekajet eo An?

Ak kiiō, juon aō kajjitōk. Elmān an Anij jeļā bwe Jetan ear kōņaan erom āinwōt E? Je ļak lale, Jetan ear jab kwaļok men in ñan Anij. Ear baj ļomņak e ilo būruon. Ewi wāween an Anij jeļā? Anij ear jeļā aolep ļomņak ko ilo būruon tepil eo. Anij ear jeļā bwe ear utiej būruon Jetan. Ear jeļā bwe Jetan ear kōņaan koṁte jikin.

- Ejjeļok juon men e nojak jān Anij.
- E jeļā aolep men moкта jān aer waļok.
- Ear jeļā kōn mour ko ad moкта jān ad ļotak.
- Ej pād ijo ko otemjej.
- Ej lo men otemjej.

-E jeļā men otemjej.



Hibru 4:13 Im ejjeļok men in kōmman e jab alikkar ñan E, a men otemjej rej keelwaan im peļļok iṁaan mejān Eo ej pepeik kōj.

Etke jen katak kōn enjeļ ro im tiṁoṅ ro? Kōnke Anij ej ṁokta jān aolep men im ear kōmanman aolep men. Ewor kajoor ko in mejatoto. Ewor jetōb ro im rej jerbāl ippān ro ri jab tōmak, im rej tariṅaek ro ri tōmak. Re kajoor jān armej, im elōñ armej re mijak er. Bōtab, meñe jetōb rein re kajoor, rej pād iumwin peen Anij. Meñe Jetan e kajoor jān aolep tiṁoṅ ro an, e mōjṅo jān Anij kōnke Anij ear kōmanman e. Eļāñe Anij e kajoor jān rein aolep innām e alikkar bwe E wōt e maroñ loṁoṅren kōj. E wōt e maroñ ekajet kōj im liaakļok kōj.



Matu 10:28 Im koṁwin jab mijak ro rej ṁan ānbwin, a jab maroñ ṁan an; a eṁman koṁwin mijak Eo ej maroñ ṁan an im ānbwin ṅa ilo Geena.

Kab, ñe armej rej bubu, ak ñe rej ļoor mo ko an uno in Majōļ, ej itok jān ia kajoor an men kein? E jab itok jān Anij, bwe Ej ba e nana bubu (Dt. 18:10; 2 Kñ 21:6). Men kein rej jān jetōb ettoon, tiṁoṅ. Elōñ armej re mijak tiṁoṅ, ak ren kar mijak Anij.

Kajjitōk ko:

1. Enjeļ ro raar waļok jān ia?
2. Kwaļok jet iaan waan joñak ko ilo Baibōļ kōn kajoor an enjeļ ro.
3. Ewi etan tiṁoṅ eo e kajoor tata? Ta meļeļe in naan in tiṁoṅ?
4. Jetan im tiṁoṅ ro raar ettoon ke ilo iien im Anij ear kōmanman er?
5. Etke Jetan ear buñ? Etke tiṁoṅ ro raar buñ?
6. Enaaj ewi wāween an Anij ekajet Jetan im tiṁoṅ ro?
7. Enaaj ewi wāween an Anij ekajet ro im rej ļoore Jetan?
8. E kajoor im kaamijak Jetan im tiṁoṅ ro, bōtab jen mijak wōn? Bwe?